

黿

峰

集

黿峰集卷之八

閩郡徐燭與公著

七言古詩

江南春

湘筠一夜抽新筍
曉日薰簾綃帳靜
輕烟晴鎖柳絲柔
隔水差池雙燕影
杏花泥露胭脂冷
落紅吹上銀牀井
綠羅衫袖白綸巾
金勒玉驄驕紫塵
春思遲春夢急心
薄霧縈窓香燼濕
粉蝶聯翩趨相及
暮江青青暮山碧
朱樓少女傾城色

斜抱空篴肩竝立鴛鴦入沼戲浮萍人生行樂
休怍營

閱程君房墨苑歌

熙寧董氏著墨譜圖畫精工辨絲縷斷簡殘編
久不傳從來市井徒行賈元符高士李伯陽撰
成墨苑說玄香形模製作不可見卽今繼者程
君房君房一官未稱意守黑探玄有高致桐液
鼠烟搗鍊工蒸膠和漆竒方秘端溪石上生紫
光染濡毫素增鋒芒始知製法入三昧軼李超

潘誰頡頏一圭一斑磨皆好不用麝臍并龍腦
允宜褒錫松滋侯何愧文房稱一寶寄來墨苑
尤精竒方者如矩圓如規古今物象無不有却
使觀者心神怡妙墨斯時無並駕黃金他日同
高價世人射利競紛紛研出非烟定居下當今
天子聖且明御書落筆龍蛇驚不知曾有如蠅
戲案上頻呼萬歲聲

黃山白岳歌贈畢封君雙壽

江南山水推新都黃山白嶽青模餽峰巒洞壑

宵莫測乾坤日月如蓬壺古仙得道久不見畢
翁夫婦能修煉碧篠筇邊冰雪姿紫菱鏡裏桃
花面憶昔老翁年少時燃藜太乙開書帷便便
腹笥破萬卷落筆染翰驚蛟螭一官僅拜洪都
簿南浦西山供作賦信如梅福在南昌軒冕牽
人何足慕秋風鱸膾喜還鄉一壑同棲挾孟光
眉案齊時毫半白背痒搔處耆雙黃花甲一周
同一瞬青鸞遠寄瑤池信木公金母蹋歌來鳳
管龍笙將酒進君不見羅浮真人葛稚川相隨

有婦鮑姑仙至今山頂明月夜猶有環珮鳴中
天黃山白岳鍾靈秘巖翁夫婦生斯地會當洗
髓如葛洪兩兩丹成幾千歲

紅樹篇

玄英司權青女泣淚血滴濃凝紺碧暗染荒原
萬樹紅遠映明霞成一色縱緋綴錦復流丹瑟
瑟戰林天炮乾離披數點泛溪曲漁郎誤作桃
花看韓娘題怨深宮裏片葉漂流御溝水至今
遺跡在人間魂逐胭脂嬌未起一夜風吹墜故

泥幾堆愁見寺門西
設吟落葉辭柯賦猶有殘
紅上馬蹄

春曉曲

翠柳凝烟花吸露
官街鼓鳴天欲曙
玉樓美人春夢殘
窓外斜輝澹寒兔
博山火燼香繞屏
鸚鵡喚籠魂乍醒
隔簾鈴索動微響
薄霧暗消雲
母青羅幙捲風含曉色
半掩鴛衾懶無力
侍兒拂鏡開
不恩立向牀前催畫眉

題蘭露軒

杳莫測古仙秘錄藏其間五圖金記龍蛇字七
聖丹經麟鳳笥芝檢千秋寶笈昭琅函萬古靈
文寄廣成曾啟授軒轅綠韞珠箱耀洞門至今
海外起光恠除非玉女誰能翻使君本是方平
裔產在天台赤城際幾篇內景讀元陽一卷陰
符注黃帝鶴髮童顏五十春懷玄守黑如真人
薰風送暖逢初度又見籌添海屋新群仙爭進
雲歌曲并贈瑤章三萬軸就中開視文最奇盡
是冲虛長命錄

壽黃鄰初郡伯

崑崙峰色連天起巫峽江流瀉千里自古山川
遜蜀中多產真仙與才子綏山道侶青城翁朱
顏綠髮開方瞳楊子法言司馬賦千秋豪士留
英風使君靈秀鍾西蜀奪得仙胎質如玉金石
文章陋漢才握符新剖閩南竹閩南五月薰風
遲公庭正值懸弧期海頭獻壽擎桃實座上延
年進荔枝龍笙鳳管吹雲沸瓊液瑤漿邀月醉
車前白鹿變蒼髯關外青牛騰紫氣五馬聯翩

響玉珂習家池館日經過欄街穉子銅鞮唱聊
當雲歌一曲歌

林天迪招同王穉玉轉運阮堅之司理及
同社趙仁甫吳子修王玉生曹能始宴
集玉蟠庄分得共登二字

宴開河朔邀賓從韋布軒車一時共山簡吟鞭
醉自揮劉伶酒德狂堪頌池上涼臺翠幾層移
尊薄暮恣攀登滿堂絲竹月初出習習晚風吹
紫菱

和能始贈奇姬韻

學畫楚眉勻半額芳名早動幽并客
巧同鸚鵡有靈性照人肝膽如秦鏡
身輕掌上燕差池雁柱支絃隨手移
明年是嫁王昌日一片閒情輸與誰

季夏四日王穉玉轉運招同黃鄰初郡伯
阮堅之司理晝間能始延尉游宗振王王
生陳伯孺馬季聲王粹夫黃伯寵諸同
社西湖宴集

平湖渺渺縈西郭，晉守巖高始疏鑿。野氣遙連大夢山，波紋倒浸澄瀾閣。水晶遺蹟聳湖心，臺榭參差隱密林。雉堞近紆廻岸曲，珠幃遠拂寒流深。薰風送暖逢朱夏，使者邀懽開白社。菱荷香裏轉雙旌，松檜陰中嘶五馬。同時冠蓋快清遊，不厭閒心狎野鷗。庾亮據牀宜嘯咏，山公倒載擅風流。一帶暮烟澹凝碧，月光漸見生明白。漏深公讌散西園，地主獨留髡送客。

同阮堅之司理趙仁甫吳子修王玉生集

林天廸藕花陂泛舟分得三字

平池如鏡晴拖藍墨在菱雉傑縈烟嵐使君乞假
辭朝參言尋雅會停鸞驟入林把臂諧清談揮
毫覓句爭幽探芙蓉沼上吹紅酣異香縹緲同
優曇粉衣半褪花半含六郎倚醉嬌無慙游魚
競戲蓮葉南錦雲綠潏相渾涵中天桂影光粲
旣艣頭寧用張燈龕銀箏亂撥聲俱諧飲盡一
石賓猶堪德星群聚多朋簪不獨對影能成三
周子申上令持古鏡見示題贈

周君手持古銅鏡向我摩挲乞題咏閃爍光圓
出袖中一輪明月堂前映我觀此鏡形色殊照
人朗朗同冰壺朱砂半蝕水銀化秦漢故物今
時無夷光已沒毛嬙死寶氣消沉千歲矣何代
農人掘古墳拾出菱花土痕紫請君惜取明鏡
光重覆玉匣藏經囊人生擾擾等駒隙莫令鏡
裏生秋霜

贈日者林生

古今日者不勝紀季主聲名附遷史分別星辰

之吉凶推原造化之終始武侯奇筭能通神袁
李妙術誰與倫渾天大數七政曆陰陽秘奧留
千春林君卜日驗如響局布奇門惟指掌二十
八宿羅心胸演禽元將傳天象先天後天無不
精一時一刻尤分明五行七曜煞那定六壬百
忌縱橫陳陳憐君負才時不偶對人空騁談天口
試把行藏問彼蒼賢士胡爲阨陽九欽天監正
腰銀青登臺若箇能占星勸君休嗟術弗售終
當數學資朝廷

送黃明立孝廉

情君磊落才有餘少年名姓登賢書迄今倏忽
二十載猶偕計吏隨公車三年一度過燕市獻
策無媒謁天子昔時同籍榜中人腰下累累半
金紫君着青衫不厭貧朝遊韓趙暮遊秦囊中
剩得詩千首到處論交傾縉紳今年又上長安
道遠志出山爲小草淺深須盡入時眉莫嘆朱
顏鏡中老

送鄭吉甫北上

君家之東乃吾廬。鰲峰山下比鄰居。朝夕出入
同里閭。枌榆結社情非疎。憶君早歲多名譽。文
章皎皎皆璠璣。已看姓名登賢書。大來爭慶茅
連茹。楚廷抱璞十載餘。又當偕計隨公車。秋高
遠漢鴻飛初。蕭然一騎辭無諸。方今國事堪欷
歔。君行獻策休躊躇。春風得意聞傳臚。憂時有
賦奏子虛。嗚呼憂時有賦奏子虛。漢廷簪筆需
相如。

九鯉湖觀真珠簾

五丁不鑿閩山石兩峽中分勢如劈茫茫湖水
從西來始信洪荒巧開闢奔流幻作真珠簾倒
挂青天幾千尺狂若轟雷響碧空細若碎粉飛
蒼壁當陽融雪遠掣光貫日雌虹遙曳白雁蕩
龍湫未足奇匡廬瀑布那堪匹莫是當年跨鯉
仙留得瑤漿與瓊液

溫陵道

驅車遠出溫陵道道上離離半烟草誰家古塚
壓高墳種得白楊千樹老停車試問家中人盡

是生前登要津爭謀吉地營窀穸石開山厚
葬身游魂一旦歸冥漠螻蛄呼群穿石擲觸髅
僵卧渾不知神道猶書舊官爵山鬼飛磷哭似
歌紙錢烏鳶野作窠平時烜赫豈足道死後荒
涼當若何城中甲第開瓊闥綠野平泉盈十畝
無數朱門住子孫此處誰知居更久始信浮生
石火微不勞翁仲立斜暉劉伶荷鋤元堪學莫
笑王孫裸葬非

和林茂之無題

習池曲宴徵歌舞銀燭花偏月當午梨園子弟
紛成行低按鵲絃促冰柱宵深玉釭酒如乳多
情巧作烟花主相謔頻投芍藥枝十二巫峰化
爲雨一束鮫綃却贈儂知君愁緒牽如縷香夢
初醒扶暗啼落月飛雲隔南浦

寒夜曲

背卸錦幃吹蠟鳳合歡綉被新寒重展轉孤眠
墜玉釵枕函驚斷牽情夢雞啼紗窓籠曙光薰
爐殘麝宿餘香迴腸最是清宵永若比妾愁應

木長

交州木山歌

有引

正德中許啓秉黃門使交州得木假山于僧
舍携歸刻詩其背高景倩收得之置窓間名
其齋曰木山爲作此歌

昔日黃門使交趾道出蠻方行萬里忽逢枯木
委僧寮儼若奇峰突然起黃門一見心愛之携
歸故國親題詩迄今一百三十載兩烟剝蝕無
人知流落人間歲年久一朝偶入高生手摩挲

題刻護雕闌拂拭泥沙剔塵垢此木非梓仍非
楠巍然一片含蒼嵐嶙峋時窅太古色始知異
物生安南以茲別置晴窓外我來誤作元章拜
憑君珍重莫輕移恐動風雲起光怪

賦得八公山送高景倩之宿州省觀

淝水之北淮水南有山百丈青如藍峰頭白晝
鳴鶴吹洞中清夜飛鸞轡傳聞此山最奇僻仙
子劉安日登陟高臺尚有藥爐香危石猶存人
馬迹淮南賓客誰稱奇八公皓首兼龍眉相逢

共證神丹訣
袖挽袂長追隨
一朝拔宅虛空
辟萬里長天去
無礙茫茫霧裏
聽雞鳴渺渺雲
中聞犬吠乾坤
今古說茲山
百年若個能躋攀
美吾嚴父守名郡
翠巒掩映黃堂間
君行省覲
經茲土羽衣借作斑
衣舞折簡還須致
八公綺席稱觴進
麟脯始知仙術非
荒唐須覓當年九
轉方鴻寶
好藏丹枕裏
歸來字字見風霜

陳惟秦五十初度歌以貽之

奉君金屈卮
酌君金叵羅
君今行年已半百
鬢

髮鬚眉全未瞠與君定交方壯盛誰知五十俄
然過老年不似少年樂來日無如去日多陳惟
泰聽我歌世人紛紛競軒冕美君矢志棲雲蘿
世人役役逐名利美君高卧無風波君精禪理
能降魔廻看浮世直煞那勸君爲樂聊玩世痛
飲常使朱顏酡

仁王寺前桄榔樹爲颶風所拔詩以悼之

隣霄臺下前朝寺桄榔樹當門鬱蒼翠古幹輪囷
可蔽牛高枝插漢低垂地傳聞此樹經千年結

根猶在開山先闢遍累朝僧紀臘看將百歲狐
坐禪伊余雖奉浮屠氏却因愛樹常隨喜幾廻
跌坐濃陰中往往見諸吟咏裏今年八月風怒
號飛沙走石揚波濤山前白晝響簌蕩拔倒大
樹如鴻毛天工忌材妬空植而我聞之深嘆息
住持俗衲亦不嗔亂斫爲薪爨香積吁嗟古樹
今云亡寺無秀色山無光明年約友再結夏又
當他處尋清涼

賦得函關紫氣壽大廷尉周耿西先生

吾聞太上老君字伯陽分神化氣鍾殷商寄胎
玉女八十載眉上霜毛如髮長李下誕生因姓
李子曾拜周官爲柱史嘗駕青牛入竺乾函谷關
前逢丹喜東方紫氣如龍蛇關門令尹大驚嗟
五千道德授真秘相隨西去之流沙秦關形勝
稱靈異萬里河山雄百二東封誰道一丸泥至
今猶有雲霞氣羅浮有客仙骨殊陽春載音當
懸弧歷官却與老聃似御史中丞漢大夫乞假
年來歸梓里謝安不爲蒼生起道在無爲無不

爲恬澹清虛企玄旨羽書西北未曾開那得容
公老故山指日蒲輪應有召重看紫氣滿函關
讀趙仁甫芝園稿有贈

中原七子不復起至今作者寥寥矣武昌衣鉢
幾人傳高足惟君稱弟子誰信青來更出藍登
壇樹幟張閩南韻顏往詰邁流輩一時虎視雄
眈眈爲官拓落不稱意染翰操觚窮六義西攀
巴蜀與荆襄北陟青齊并燕薊佐郡池陽歷幾
秋俄然有淚洒江州腰間墨綬應長繫萬里梁

山疋馬遊到處經行詩景好歸來日富吳囊草
當今名筆費評章一代詞人讓華藻清如玉壺
初剖冰光如太阿新出劖壯如猛士聲激烈幽
如少女容娉婷學海詞源無不有畢竟推君爲
祭酒世人殺竹競紛紛弗愧遺音同瓦缶投余
新刻比璫瓊竹窓披誦風雲生帳中從此有珍
秘不但中郎匿論衡

讀季漢書贈謝少連

吁嗟漢祚當寢移炎劉神器群雄窺三分國土

成鼎立帝王治統誰其維史官曲筆有陳壽尊
魏仍將蜀爲寇何因治統歸參臣豈顧魚鳧赤
龍後志成後世抱不平累朝治襲難紛更紫陽
夫子亟釐正史書畢竟存其名謝君筆鋒利如
斧常言昭烈同周魯握管重編季漢書君臣大
義昭千古兼陳曆系正帝符特貶世家稱魏吳
列傳載記各有緒春秋遺意如斯乎宰割原文
得繁簡布衣權重驚三館史才不減蘭臺郎九
原寒盡英雄膽

題張穉通欣閣

主人卜築若溪濱宏開傑閣心顏欣夜看西塞
荻蘆月曉望蒼弁松蘿雲閣中寂歷無所有萬
卷藏書富良友玉函金檢同宛委錦軸牙標方
二酉美君朝夕不停披蠹粉芸香散陸離共說
杜公多傳癖爭言寶氏有書癡足不窺園逾十
載讐校雖黃精訓解胸中三峽倒詞源筆底千
言窮學海我欲從君借一甌不嫌窓下動書幃
日城南面何須假莫怨從前老布衣

文石歌爲顧新之賦

君不見眉山喜畜怪石供生平雅好人解誦又
不見襄陽下拜石一奉從來清嗜人爭傳吳興
顧君有奇癖不惜青錢買文石小者光芒燦若
珠大者溫柔皎如璧青黃赤白無不精飛潛動
植皆分明地生異物奪天巧却令目駭心神驚
瓦盆注水羅窓戶五色成文真快觀鏗鏘靈壁
未堪倫竄窳仇池那足數一時雅尚可誰同寧
讓蘇公與米公千載好奇應鼎足美君元有古

人風

題林子丘茂之新居

隣君本是閩中客，流寓金陵新買宅。三間瓦屋
傍誰邊，云近華林舊川陌。華林園廢幾何年，晉
代風流事杳然。寂寥亭臺空昨夜，雨蕭疎，楊柳鎖
寒烟。君家兄弟俱年少，古蹟猶存縱吟眺。水際
閒看魚鳥親，月中每聽狐狸嘯。春風且莫掩衡
廬，花外時聞長者車。漫作伸宣思故土，還同沈
約賦郊居。

唐硯歌爲郭聖僕賦

吾聞鞏州之石可作硯色澄鴨綠波紋現溫潤
由來玉不如磋切成材價非賤舊傳此石重唐
家厥產絕域來中華邊疆路遠開鑿竭况兼古
穴填泥沙寶硯流傳人代久常人棄之若敝帚
郭生賞鑒自有神萬錢購得同瓊玖楮歐不作
顏柳亡先朝至寶空文房尚留一片水紋石千
秋萬歲磨玄霜君不見鄴都禾黍生平野青蚨
競買銅臺瓦又不見漢家宮殿委荒阡黃金爭

市未央磚漢磚魏瓦真難得好事人家俱耳食
不如唐硯質渾全堪置明窓供翰墨奇物遭逢
信有緣搗文能助筆如椽憑君莫學桑維翰十
載空令鐵面穿

吳臯倩邀同晉叔子馬能始在杭茂之諸
子秦淮泛舟共用十蒸

秦淮日落烟波澄柳陰花氣遙相蒸昔年桃葉
人不見此日木蘭舟可乘高閣紅妝坐臨鏡夾
岸清歌聞采菱蕩漾青溪復幾曲月明一片斜

鍾陵

夢遊廬山吟

我生我生在豫章十齡來往廬山陽自嗟童稚
識事淺不知山水非尋常少年曾把圖經閱始
識山川果奇絕無出一上最高峰看取白雲自
怡悅昨宵偃卧松窓間寒濤百尺鳴潺潺忽然
有夢出塵境飄然高陟匡廬山廬山勝槩如蓬
島雲際仙人逢五老巖頭指點采靈芝洞裏相
期拾瑤草匡君跨鹿凌紫清身披鶴氅吹瓊笙

半空一奏鸞鳳曲千巖萬壑皆傳聲須臾笑與
群真別匡君授我還丹訣瀑布聲中夢乍回一
庭花影搖明月

范東生招同謝在杭周喬卿呂心魯沈從
先吳非熊方子公何玉長石湖泛舟

姑蘇水國涼氣秋主人邀客移扁舟芙蓉乍吐
蘋葉亂蒹葭戰浪風颼颼石湖一片澄如鏡山
色湖光相掩映震澤波搖見遠帆楞伽寺古聞
孤磬倚樞同看湖上山蓬窓箕踞弄潺湲停杯

忽憶千年事作客能偷半日閒
茶磨峰頭起烟霧行春橋畔尋
歸路客醉迴船夜已闌殘月如
弓挂高樹

爲謝在杭題顧道行山水

吳江使者長康後三絕聲名更誰
右胸中丘壑鬱峻嶒筆底山川奪
靈秀曾爲爰生寫此圖烟雲黯
淡林巒孤鐘聲隔水自縹緲塔影
挂漢常模糊一從騎鶴歸仙籍片
楮人間共珍惜謝君剖得俸餘錢
買向山窓掛高壁物在人亡無見

新披圖無限西州思但看水墨增惆悵何必淒涼隣角悲

題華清遊宴圖

華清池上春明夜羯鼓聲中引龍駕寶樹遙臨太液波翠華低拂行宮瓦羅綺成行嬌上春王樓歡宴舞衣新樂工初譜霓裳曲冉冉仙風度玉真罪微數點驪山雪帳底吹笙擁岐薛百枝獸炭燒金爐秦虢夫人耀紅頰溫泉賜浴正寒宵妃子春肌不耐嬌大家遊幸夜爲日何必垂

衣勤視朝宿醒未解懽懽醉醒酒名花香色膩
水殿空看瀾瀾飛被中自有鴛鴦戲萬里歸來
蜀道難秋槐葉落故宮殘梨園玉琯消沈盡惟
有零鈴夜雨寒

霞城逢朱季美

我也驅車嶺南去君今策馬閩中路總是天涯
來去人南北無心忽相遇訪我閩山空故園尋
君粵嶠閉閒門他時兩地經過處千里相思俱
斷魂

行見月

遊子辭家走南粵千里漂零行見月出門皓魄
正團圓路上清輝復虧缺月圓月缺行不留昨
日朱顏今白頭半生碌碌長爲客閨人見月應
生愁碧空明鏡飛如練悲歡暗損嬋娟始面深閨
靜月問嫦娥人間天上愁誰多

登合江樓

合江樓在惠郡城東坡謫居始寓之處今郡
治城樓也公有短歌因次其韻以吊之

嶺東江山何壯哉危樓逶迤臨江開兩江廻合
作襟帶昔年昔日蘇公來蘇公愛此江山美樓
上日高眠不起五百年來陳迹非危樓空對長
江水江山依舊歲華新長使今人憶古人城鴉
似識淒涼恨啼過女牆秋復春

賦得菊潭溜餘水壽丁銓部母夫人

君不見南陽郡縣名甘谷谷水澄泓鴨頭綠霜
華凜凜露香凝開遍千叢萬叢菊鞠塵撒地金
滿潭錦苞細葉先秋含碧波遠泛濃馨過清流

瀟瀟生餘甘谷中居人飲此水鶴髮旄眉復覿
齒延齡一百五十春個個長生能久視傳聞茲
事已千年又見溫陵產菊泉鵝羽亂隨滋液出
我鷺兒爭逐清泠旋丁家阿母居潭側北堂種得
幽貞色日嘗殘溜更餐英甲子初週踵轉碧郎
君通籍承明廬乞假花間御板輿芳萼繞籬迎
綵服寒香盈把襲簪栢摘花釀酒稱觴早服食
成仙增壽考王母休擎度索桃群仙莫獻安期
棗

十二辰詩

莫言周鼠蠱鄭璞一卷漢書掛牛角中原虎視
目眈眈兔眼迷離離白龍魚服世無知弩
蛇瀉影杯中疑塞公馬去誰得失羊腸路阻還
蹴崎棘猴空作人間巧鶴混雞群志非小閒尋
狗杞鬪靈根時潑墨猪縱狂草

再食火山荔枝同用王梅溪韻

昨朝聚首餐荔枝狂來五字哦新詩今辰翠籠
又擎到別有一種尤珍奇根株藝植同一土易

熟離離滿園圖本枝已識分廣南不待按圖翻
舊譜異名嘉實雖滿山定讓此種來爭先嘗新
既喜早一月冰盤摩啖流饒涎乍食無多腹不
果三百青銅沽百顆相期同到皇岡天柱梢
頭赤如火

再次王梅溪前韻

日長竹枕頭懶支飽食細誦龜齡詩四百年中
幾人和句法難比前賢奇粵南有種到閩土栽
種得正雅老圃笑殺永嘉韓彥直如許木奴亦

作譜竊幸閒身居故山得食豈必論後先吾儕
愛嗜同沆漚俗輩忌食寧流涎今年結盟訂已
果更賽瓊丸闔珠顆陳紅江綠熟尚遲莫笑大饒
夫急如火

六月七日過在杭積芳亭適伯孺送方山
滿林香至分得鐘字

積芳亭外將斜春科頭箕踞當長松敲門僂僂
來老農一肩翠籠遙函封蓋頭新葉青茸茸此
種產自五虎峰累累千顆香氣濃剖開瓊液涼

心胸桂林鑛玉并金鐘
鳳稱異品即今凡庸嬌如
窺簾少女容黃衣綠裏光
重重微風披拂林杪
衝隔牆悞殺尋花蜂
雄饕餮勇噉皆可供鼓腹不
用營朝餐

六月初九日高景倩招集蓮花樓食荔分
得短歌行

冶城東望雄高閣萬疊烟絲青繞郭
一時賓從集如雲勝會千秋繼
河朔芙蓉出水搖朱闌古
塘風裂紅衣殘城中城外遠騁目
八窓吹送松

濤寒主人爲具供丹荔翠籠遙從鳳岡至一道
清芬縹緲飛水邊荷菱無香氣劇飲狂歌日正
長始知世界元清涼世人擾擾居火宅更誰避
得塵埃黃金脚南窓兼散髮如意擊將壺口缺
相期爲樂樂未央回首東山吐明月

題蕭翼賺蘭亭畫圖

永和楔帖稱神筆孫子流傳代逾七六朝喪亂
幾幾經秋藏秘沙門如一日大唐天子貞觀初
金暮訪瑯琊書普天之下索不得誰知尚寄空

王居西臺御史梁苗裔素擅權謀負才藝覃杉
寬相來越中潦倒謬尋支許契老僧懽啟甕頭
春肝膽相輸語語真須臾遺蹟出梁檻筆花飛
動烟雲新一朝計取馳郵驛鉞面霜威宣墨勅
頓忘隨喜舊時情兀兀殘僧驚喪魄後世誰人
繪此圖繡衣何智緇衣愚從來至寶避權貴却
使百代長嗟吁龍髯一去如風雨前代縹緲誰
是主永隨玉骨闕玄宮化作昭陵一杯土名姓
原無史冊傳形容應不寫凌烟惟餘拓落書生

態不令千秋萬古隣

七月二日蔣子良齋中荔會分得宿名

華堂張宴秋宵永楊柳枝疎桐瘦影群賢畢至
良會頗愛客陳遵轄投井彈棋角勝聲喧闌灩
醪一斗沾十千二參不醉履舄錯銀河燭燭明
星懸虛窓露冷消煩暑荔香猶擘王家女丹靨
還同魚尾頰芙蓉蓮房愧儔伍蝸牛吐沫沿花
叢燕子翼乾巢欲空已聞蟋蟀響居壁科頭箕
踞乘涼風危絃三弄清商引出水痴龍吟玉軫

須臾蒲室烟雲飛心樂寧辭長夜飲

悼古用宿名

相如家徒四壁立陳蕃掃除非一室自保曾參
不殺人璞玉虛售和氏泣荆卿督亢遙獻圖尾
生守信胡爲乎却笑季心徒任俠飯牛甯戚長
嗟吁子房擊秦秦却走子龍一身膽如斗謝公
出處係安危故人不取輕梁柳翼德義氣噓炎
劉張衡偃仰歌四愁長庚星沉溺李白布衾斜
覆哀黔婁中郎有女空傳業抽軫阿丘意悲切

誰挽胭脂井上魂荒郊怨鬼啼秋葉

觀王母蟠桃核圖

漢家競子耽仙術明水清霄祠太乙能邀戴勝
下瑤池青鳥騰空棲帝室袖中曄曄獻蟠桃九
華殿上香雲高千年結實大如斗甘露神漿噴
龍口鸞駕車無處否昆崙崙阿母西歸方朔走建章
宮冷飈輪遙金莖掌折銅盤銷武帝無名在仙
籍集靈臺空廢風瀟瀟桃核流傳長不朽御府寶
藏年歲久宣和天子慕珍奇鏤絲蒙金帝王手

聖祖垂衣御紫宸親開什襲示詞臣金華學士
乃獻賦繪院畫史爭傳神君不見服食求仙難
得老片核空留希世寶珠櫺玉匣出人間絳緯
哀啼茂陵草

爲鄭履和書記題謝在杭臨十七帖後

謝郎學書筆如鐵不惜千緡求古帖有時醉墨
落淋漓掃盡林間紅柿葉側釐摹得右軍書倚
伏縱橫任所如驚鴻戾漢星斗避遊龍出洞風
雲嘯鶴生經年侍筆硯由來不作家雞賤携往

天涯賣與人得錢寧管王婆扇

割肝行

連江孝婦吳氏翁鄭某年逾耄病幾殆婦割
肝烹酒以進翁病起婦亦得生千古奇孝也
溫麻婦溫麻婦向翁堂上稱黃者翁病水漿不
入口孝婦割肝烹進酒婦不死翁不生倉皇急
迫難爲情海濱愚婦天植性不聞行孝能沽名
三寸并刀血如縷手剜何嘗知痛楚老翁兩載
沉痾瘞路上行人淚如雨淚如雨婦勿傷別嫌

之說誠荒唐君不見于婦事翁如事父千古令
名傳竹素

賦得閒庭製錦贈凌明府

使君宰邑方三稔清白爲官惟水飲玉融不作
蘭絲行長日庭閒應製錦嶽嶽詞章錦綉腸筆
端雲錦燦天章身披五色官巾錦故里曾開畫
錦堂桃花李花開爛熳十里錦雲飛不散單父
瑤琴膝上彈錦囊歷亂橫公案高才製錦已稱
神治行芳聲達紫宸他年錦障乘驄馬鳴錦還

看賜近臣

暮春七日同陳惟泰鄭震卿陳叔度吳元
化高景倩尋清泠臺因得宋史季溫王
益祥梁克家先後題名于荒莽中剔苔
摩讀感而賦之

烏山二十有六奇清泠臺千古巍巍披榛斬棘
費探討危亭頽廢留遺基昔聞此地擅名勝灌
木蒼崖青掩映浴公禪室無處尋二百年來草
埋徑臺前南臺北石噴崦宋代名賢姓字存刷苔

剔垢猶度久摩挲絕壁如攀猿王公謙叔看山
史燁燁溫陵梁叔子先後期留不朽名誰知泪
沒今如此蒐奇我輩癖相同回首滄桑恨不窮
獨把一杯臺上酌悽然懷古酌西風

遊鈴山觀音洞

混元冶鑄標奇蹟古洞崑崙巨靈劈危峰當面
無路通欄戶玲瓏石門闢百層磴道迴如梯側
身屢下跌屢低仰視天光僅一隙頓使白晝成
昏迷草樹陰森不知暑翠壁經年晴溜乳厓屢

窈窕本神工刻畫雕鏤經鬼斧虛空清淨絕氛
埃普門彷彿從中開傳聞大士音顯化落迦海
外曾移來芒鞋躡雨迹遐陟鶴嶺鷺湖點無色
碧嶂丹崖巧幻形笑殺五丁徒費力

答陳惟泰見贈愚父子柿葉廬歌次韻

伊余苦學書目濡毫坐林麓長日無所營手拈三
寸竹磨出陳玄香洗淨陶泓玉秋風一夜聲交
加掃將落葉紛如霞堦前種得鄭虔柿夢中不
見江淹花以茲濫墨供狂草野雉家雞誰共寶

臨得當年索靖書細看終須未能好老夫白首
學未奇此事少年焉得知陰縻徒研數百銚兔
頰空禿三千枝愧說書名今燁燁廢幾但比銚
銚鐵硯田無歲家仍貧閉門更欲題蕉葉

漁父詞

渺渺滄江水似羅一竿來往往風波鳴櫓過扣
舷歌幾陣鷗鷺傍綠蓑

朝出吳淞暮太湖閒操觚撫碯妻孥千頃浪四
腮鱸儂是烟波一釣徒

蘭作輕橈桂作舟一聲長笛滿江秋楊柳岸荻
蘆洲吹落青天月半鉤

日落沙汀暮靄凝暫收密網掛閒罾魚似土酒
如澆醉卧篷窓一點燈

題謝元弼月滿樓

我愛詞人今謝眺百尺危樓縱吟嘯樓北樓南
洞人窓更深明月來相照遙見晴空寶鏡飛上
梯步步踏清輝硯池水浸銀蟾潔筆格山眠玉
兔肥桂華零亂宵將半彷彿斧聲聞碧漢囊裏

寧知螢火青枝頭不辨藜光燦倚檻裁詩皓魄
斜滿天羅綺散餘霞更須作賦同希逸千載風
流總謝家

答陳幼孺見贈柿葉廬歌次韻

伊余學書常畫字竊嘆鐘王今絕響閉門廿載
苦臨摹柳骨顏筋勞夢想一夕西風大火流滿
林柿葉落先秋掃來日日供揮灑墨汁淋漓黑
半溝塗塗鴉信手如風雨人笑顛同張長史教子
疇能青出藍呼童鬪拾黃兼紫無由載筆承明

廬無由給札東西都穴穴餘枯葉高成家後世龍
傳草聖無

陳貞女歌

柯輿山水青且蒼陳家女兒生茲鄉幽聞貞靜
端而方問名納采許趙郎行年甫及十六霜刺
繡織絳帷閨房趙郎一旦云夭殤女聞哀計摧
肝腸臨鏡洗却紅粉妝故衣卸却文錦裳拊心
涕泣聲浪浪上堂掩淚拜姑嫜衰麻躡踊臨夫
喪未親夫面啼夫亡稽天誓日居新孀栢舟勁

節侯共姜女有叔父曰汝翔述女冰操親而詳
備求名筆爲表揚藁砧百世能留芳女今女今
名姓香可與日月長爭光

約喻叔虞遊西山

章江東流何蜿蜒西山如黛巖高插天陰崖古洞
書無日深林邃谷秋藏烟洪崖先生羽化久煉
丹廢井枯紅泉子喬控鶴跡已往蕭史乘鸞名
尚傳山中旌陽有故宅手植翠栢留千年硯石
藥曰不可覓將軍樹老形蒼然往古樓道得高

士昔時流寓多名賢五溪釣魚說豈伯三畝題
詩稱善權江邊遙想土碧欲滴七十二峰青壓船
千巖萬壑窮莫過芒屨布襪勞攀緣我涉南州
興已動期君長嘯山之巔共欣濟勝各有具寧
愁買山無美錢西江匡廬自昔詫奇絕誰知此
地幽僻何讓焉吾推龍沙讖合正斯日會當入
山拍手招群仙

丘文舉以武夷金井坑茶見寄用蘇子由
煎茶韻賦謝

連筒梅雨苦不堪
酷思奇茗餐香甘
武夷地仙素習我
嗜茶有癖深能語
建溪粟粒露芽貴
箬葉封函得真味
三十六峰巖嶂高
身親採摘寧辭勞
上品槍旗誰復有
未及烹嘗香滿口
我生不識遊薛鄒
者烹泉却疾如神
方銅鑪鑿雪爐製
電尾飀浮出琉璃
光密窓前檢點清
異錄斟酌十
大仙芽湯

重九後五日商孟和社集烏石山園看黃

緋二色菊

重陽律中當無射條忽良辰五朝易主人種菊
滿東籬露浥霜侵有佳色黃英絳萼總堪金
鑛硃砂相並看鵲翎肅肅初飛起鶴頂團團始
結丹圓邊徑裏叢分二顏色雖殊香不異誰言
屈子賦離憂爭說陶公菊幽致金杯在手勿須
停採摘先浮竹葉青聞說長房曾有術此花真
是制顏齡

安蓋卿招遊藤山看梅花下酬張叔度用

原韻

臘月江南富梅樹芊鞋遠踏藤山路不問南枝
與北枝隨處穿林蹤閒步水畔籬邊更可尋風
吹片片點衣深師雄故作羅浮夢宋璟空懷鐵
石心主人載酒添幽興共言攀躋饒濟勝花前
覓句玉魂清醉後徵歌空谷應斜挂梢頭月未
殘暗香疎影逼人寒多情莫怨花零落一歲期
君一度看

讀雪坡道人傳

雪坡道人名翰字維周鎮遠侯顧公成之曾

孫也長宜嗣爵固讓其弟放時山水間善畫
墨蘭時正統中人爭趨媚王掾道人題荊棘
叢曰都無君子純是小人年未艾相地金陵
預爲坎囑其子不封不樹塋後地忽產紫藤
枝蔭廣龍子孫歲時不辨墓所望藤而拜玄
孫所建氏闡揚潛德廣乞題咏先兄惟和向
善所建茲何孝廉舅悌索予爲詩漫成短歌
以志仰止云爾

道人夏國稱賢胤淮海分茅開重鎮一從痼疾

在烟霞財後黃金棄侯印耿耿生平遜位心盡
拋簪紱寄雲林邵平瓜地青門遠弘景松風翠
浪深興到畫蘭頰酒墨香草三湘黯無色因悲
朝野多小人數尺生綃寫荆棘昔聞宋有所南
翁心嫌夷虜主華風寫蘭一半寫荆棘道人所
見將無同一朝委蛇金陵道無樹無封墳莫考
何必山前種白楊紫藤花落玄孫掃客來二十
四橋西每見畫蘭爭品題莫訝國香凋落盡王
孫芳草更萋萋

九日登大頂峰雲霧四合不及望海而返
我生性癖耽名山千巖萬壑窮躋攀竭來約客
逢九日登高望遠開心顏孤峰巒崩雄天表一
跬一步追飛鳥百里長江東帶微千疊危峰聚
沙小須臾龍起噓烟雲磴道咫尺那能分客衣
半爲黯淡濕人聲祇向蒼茫聞天地鴻濛無間
色滄海依微觀不得難覓徐卿請雨銘莫辨愚
齋海濤刻長嘯空中興未與黃蘗學佩費長房
應誇此會閒身徒不減龍山落帽狂

何舅梯自武夷歸惠小春茶

武夷自昔神仙鄉三十六峰摩穹蒼
憐君杖屨遍登歷雲光霞氣沾衣裳
歸來貽我小春茗一甌一萼如旗槍
呼童烹點燃瓦鼎親驗火候蟲吟霜
時壺傾瀉翠羽色宜甌滿注蠶豆香
我方文園病消渴得此不減金莖嘗
虛公籠頭何必着紗帽陸羽煎喫徒爾需
綃囊惟有王濛元不
怕水厄請君斟酌十六仙芽湯

爲雙林上人題曹能始所臨晉帖

曹郎謫居暫投牒手板無心還挂額閉門讀禮
何所營淡墨揮毫臨古帖技侔沈度無後先神
與鍾王相晉接飛蛇掛樹自逶迤渴驥奔泉頗
蹠蹠寫出溪藤獨施僧筆硯何嘗妨慧業伊余
此道頗涉獵看君運腕汗背浹草隸雖云得一
斑筆墨安能取妍捷聞師窓外有芭蕉行當掃
盡秋霜葉

次韻答連鳧朋

憶君訪我三山路馬蹄時向門前駐雪裏探梅

醉濁醪忘却天涯歲云暮故人別後嘆離居寄
遠全憑尺素書義輪迅速無停轂荏苒韶光歲
又除最美君才高片玉翩翩使氣超流俗繞戶
寒巖百丈青名園野水千層綠山水知音念子
期同心應自破群疑夢魂欲到川難阻肝膽相
傾山可移題詩拂拭烏皮几白雪安能酹到里
延津雙劍合何年龍魂夜吼秋潭水

吳中胡白叔見訪讀其玄岳遊草開卷有
和東坡韻六首因次韻爲贈

性癖耽書喜充棟兀坐披翻曉如甕忽聞門有
車馬客柳邊繫得青絲鞵聞海吳天識面遲此
日相逢坐譚痛新詩百煉爐鑄工差如丹鼎烹
鉛汞玄岳遊尋古洞龍玉臺味吐文中鳳自是
神交已有年莫言乍見翻疑夢蒯劍孤携湖海
雄芒鞋雙躡山川重粵國方爲陸賈游橐中誰
出千金送天涯樂在新相知旅吟漫把鄉心動
流水何人解賞音請彈一曲江南弄

胡白叔向未相識持王德操書來訪因談

王百谷沈穉咸沈從先先後物故不無
出陽之感因寄林若撫再用前韻

朽材元不堪樑棟細類醯雞守絳甕曾經吳市
友賢豪歸卧衡茅掛鞍轡廿年故舊半凋零說
起肝腸倍增痛續命元無臂上絲長生那得爐
中汞寄訊惟存王德操神交但有林雲鳳往事
空成淮泗流昔游恍若邯鄲夢看君吟索到來
輕熟爾芳名同時重草屨須尋碧嶂登酒杯好
借清歌送晴日山前荔子香涼風湖面荷花動

短刺毛生片莫漫投慘搥且把漁陽弄

集高景倩齋中觀交州木山倒插東坡韻

高齋枯株偶摩弄一片嶺岷嵐靄動黃門當日
使交州溪峒之僧官相送天邊不作靈椿浮階
下渾疑華岳重有時醉卧倚雲根南柯屢入淳
千夢矯矯乘風欲化牛亭亭映日如翔鳳奇形
突起幻青峰古色蒼然塗黑汞襄陽米老魂屢
飛瑯琊伯與哭彌痛愁同晉地作人語惟物通
靈莫羈鞅坡仙賦後今復吟彼撞黃鐘吾擊甕

不材自是全天年豈必明堂備棟棟

臘月十七日迎春集陳長源宅觀舞獅子

同俞美長林子實諸君各賦短歌

歲在旃蒙偏值閏殘臘迎春報春信芳郊彩仗
寒句芒榕葉滿城簫鼓震主人東第得春先生
紫辛盤啟玳筵綺羅百戲列不盡更舞獅子華
堂前緋眼星懸赤毛起跳躍雄風騰萬里雖關
八方儼如生誰掌虞衡辨非是恍疑黃帝巡東
海白澤忽能言萬衆咸驚駭又如魏武經白狼

伏獅上車軌百獸皆彷徨門前太守驅五馬一
見權毛俱失緒郭外農官出上牛絲鞭錦鞵看
應羞何如此獸太勇猛雙雙戲弄青絲毬嗚呼
人工信足奪天巧但少銅牙并鐵爪人耶獸耶
君莫猜且醉春醪細聽青陽歌嫋嫋

大水謠

萬曆丙辰五月四建南諸溪水俱至奔濤直抵
無諸城四野茫茫滾如沸稻田蔬圃都湮沉流
注人家數尺深撐舟駕艇入城市雨聲不絕天

垂陰海潮一日兩應候水勢崩騰更來驟釜重裏
生魚竈產蛙寡婦哀哀同誰明憶昔己酉五月
時洪塘西畝皆浮屍今年水患不殊昔幸少死
俘填江湄吁嗟乎八年兩度見洪水杞憂何以
謀桑梓低田一半俱絕收何日蠲租下黃紙

避倭行

洪水旣退民安堵忽傳倭奴犯中土巨艘渡海
恣殺掠白日羽書報開府閩中久矣歌太平驟
聞警言忘人皆驚窮鄉僻壤各騷動扶老携幼趨

榕城行者肩摩車轂擊挈管提筐若雲集城中
穀價方涌貴然桂兼之炊玉粒民心思亂正洶
洶避寇移家焉適從開府安民下禁令此邦蒼
赤賴曉矇憶昔嘉靖中年苦倭變無兵無食空
拳戰今年幸喜猶虛傳烽火毋令四郊見嗟哉
互市今不通致令夷舶侵閩中何因盡斬鯨鯢
遜得似當年戚總戎

海雷引

城中避倭稍寧息白晝無端聞霹靂五月廿六

時當午豐隆震動天地赫萬歲古塔城南隅木
梯繡栱何縈紆忽然一聲震其內烟光烈焰騰
須臾塔頂五人方飲酒雷火驟來爭遁走中有
一人姓何氏擊死塔中碎其首憶昔宋代景祐
年轟雷輶轡非偶然國朝世廟甲午歲鐵鼎鑄
識人爭傳五百年中擊二度形家不能揣其故
巍巍宰堦鎮一方何事每逢天帝怒萬壽橋頭
賣菜奴水流坑口鼓刀屠連朝激霆各震斃不
知天意胡爲乎五日之內三示警咫尺天威一

何猛莫道上蒼號令垂君子恐懼還修省

七月十二日柯古初度招集陸樞館出荔

子餉客玉生爲作延壽紅圖卽席題贈

金商屆候涼氣新主人正值縣弧辰堂前賀客
若雲集兒觥滿注桑郎春留賓不用亭心葵菽荔
進冰盤紅簇簇千歲蟾肪貯絳囊九轉丹砂裹
明玉漿如雲液色如瓊仙人服食能長生只因
異種產勝地至今延壽傳其名渥丹淺絳圖形
似結實累累紫燦成綺卽將荔子祝修齡何必蟠

桃與仙李着緋漫詫狀元香衣綠休誇十八娘
但看此物堪延壽歲歲秋風一舉觴

題畫貽柯古

空山四月黃梅雨亂竹聲中香一縷寂寂茅齋
筆硯閒扣門有客倪柯古兀然相對無所爲呼
童稚案磨險麋戲寫古木兩三本遙山數點青
參差倪君頗訝工夫簡只愁不入時人眼予言
此意誰得知正學君家嬾翁贊偶爾消閒水墨
中掃成寧與世人同惟君真賞有慧照勿比尋

常俗畫工

銅雀硯歌

魏官有志窺劉鼎高臺俯瞰漳河冷一朝井幹
總帷飄雲際淒涼銅雀影鄴中故址委荒苔二
千粉黛皆成灰纖歌妙舞總消歇西陵松楸悲
風來遺瓦相傳年代久拾作圉泓垂不朽鞏州
綠味寧足奇古歛金星復何有吁嗟乎昔日雄
豪散一棺獨留片土世爭看寸心久已負漢室
歲月胡爲書建安當年鍛盡黃金屑萬古堅剛

磨木竭後人往往費摩挲
晡鬼宵啼墓田月

舟次吉溪新漲驟至三日不得行
兀坐蓬窓悵然有述

劍南四月雨不止萬壑千巖瀑聲起須臾瀾漫
白連天咫尺平添三丈水魚龍膽落天吳驕馮
夷擊鼓風蕭蕭白馬爭奔岸前屋長虹漸沒溪
中橋洪濤半撼松林杪遠山數點青螺小一片
涵虛混太清彭蠡洞庭空茫淼客子停舟不得
前枕邊洶湧常驚眠長年焚香禱河伯牽輶不

上聲喧闐嗟我征途行未厭消愁買酒尋村店
夜深遙望氣冲霄風雷倏起延津劍

舟中偶入白魚堂而佐酒戲作短歌

貢川西上流活活新漲初平魚潏刺不驚網罟
不吞鉤鼓鬣揚鬐當鳬跋須臾跳躍入蓬窓玉
尺斜拋勢未降鰭尾豈須論丙穴四腮寧復羨
松江到此誰知殃已及圍圍猶聞過河泣金刀
細縷膾銀絲入饌充筵何太急君不見前打魚
後打魚少陵舉網空徐徐又不見釣吳水釣淞

水魯望垂綸徒爾爾何如此夕櫂孤舟擊鮮痛
飲臨清流不須夜買黃泥坂絕勝坡仙赤壁遊

九龍灘歌

君不見太行之路能摧車行人托足長嗟吁又
不見蜀道羊腸九折坂過客迴車淚如潛行路
嶽崎古所難未聞最險九龍灘怒濤百丈噴危
峽積石萬片衝狂瀾龍頭龍腹建瓴瀉拍天風
浪蓬窓打何殊巴峽吼黃牛絕類錢塘來白馬
蜿蜒龍尾流更洪雷霆入地轟曹隆水靈河伯

各震恐蛟涎吐出鯨波雄三老操舟觸龍領估
客晝眠驚破膽移時空裏雪山崩天色蒼黃日
光黯輕船一瞬到平流據舷回首瞻龍湫臨淵
渡河古所戒始知身世同浮漚過後猶聞浪花
響却喜小舟能盪槩奔流奇險在閩溪何必瞿
塘大如象

王用立參戎自秦川汎歸招同社宴集賦
得醉歌行

將軍王翦之雲孫虎頭燕額臂如猿少年射策

獻 天子威名赳赳雄中原也曾身討高麗國
異域風雲皆動色也曾身統羽林兵輕盈細柳
團軍營邇來閩海方多故願借將軍爲大樹紫
電清霜氣凜然爭美文章如武庫防秋歸後海
波平結社邀賓狎主盟當筵授簡刻銀燭絲竹
滿堂吹月明美君敦詩如御穀帳下投壺歌一
曲狂來罵坐飲尤豪漸露灌夫真面目酌君酒
爲君歌百年三萬六千日誰人日日朱顏酡爲
君歌酌君酒人生七十古來稀若個時時開笑

口玉壺傾盡夜向闌起舞還將寶劍看漫道兵
權杯酒釋苗金鵲印待登壇

留別安仁王孫

憶昔逢君章水曲朱衣拭汗顏如玉悠悠江海
帳分襟十載韶光同轉轂今歲重過蠡澤濱征
鞍乍解卽尋君梁園授簡動旬月蕭寺聞鐘恒
夜分故交歡會情尤密寧讓雷陳膠入漆合似
干將出匣飛去如枯矢離弦急漂零客子憶鄉
園一騎蕭蕭出郭門滿路東風芳草綠消魂何

處見王孫

壽林楚石都諫七十歌

九龍山色青嶙峋扶輿磅礴鍾畸人林翁挺生
奪靈秀歲星方朔疑前身早向清朝釋儒褐彈
冠結綬推先達手捧天書拜夕郎珮玉追趨青
瑣闥心期帝德爲唐虞每聞國事長嗟吁萬
言切直抗白簡殿前俯伏臨青蒲櫻鱗不動
天顏喜夕貶潮陽八千里欲將弊政除聖朝
斗山望擬韓夫子以茲廿載卧雲林海上名山

到處尋但愛碧霞隨柱杖
灑髮將黑髮絲心華簪隱
囊紗帽滄洲曲長日消閒棋一局
香山結社醉爲鄉耳熟揮毫唾珠玉
日手推許劭評董狐
史筆人皆驚名德千秋表耆舊
文彩一時師後生
花甲今年逢七十極星朗照賓朋集
紫髯蒼髮貌軒然
觀齒方瞳顏玉立
蔡經擊鼓方平謠
羽衣子晉彈箏篴
蓬萊清淺近可挹
眼見海屋俄添籌
捲簾瑞氣浮青靄
春風亂舞堂前彩
九醞霞觴飲百巡
醉頰桃花長不改
卽今聖世

需才賢蒲輪指日來閩天夢熊却笑磻溪叟輔佐周家後十年

晉江張烈婦

烈婦孝廉張某之女嫁徐侍御長子渡于歸日渡病不可支雖云合卺實未嘗同寢處也未幾卒烈婦欲以身殉又念無子爲夫執喪延及大祥絕粒而殞真抱女貞之璞四方聞而哀之爲作此歌

烈婦雖云曾嫁夫藁砧多病形容枯烈婦雖云

曾合卷獨宿空房鴛被冷委禽五月稱未亡願
言畢命歸冥鄉轉思伯道無血胤麻衣誰執三
年喪屈指大祥期已及誓死從茲其絕粒芳魂
倏忽化啼鵲却向華山畿並入九原相見死猶
生千載爭傳節烈名夜半孤飛黃鶴影悲歌慟
笑人魯陶嬰

陳長源雙梧桐爲風雨所拔歌以慰之

陳生結廬在人境窓前兩樹梧桐影萋萋莽莽
蔽朝陽枝葉輪菌覆空井白鶴來棲高十尋主

人據樹每長吟傍枝斲琴勝焦尾美材可以徽
黃金托根元不知何代傳自高玄至今在枚生
豈必說龍門禹貢寧須後東岱今年秋早風怒
號力拔偉幹如鴻毛雙桐一夕忽傾倒歲逢厄
運真難逃予昔從君王父稱同社迴思三十餘
年也往往題詩翠影中時時對酒清陰下往事
淒涼不可談樹猶如此人何堪明年再值季春
月無復吹落花甃甃君不見杜陵江邊古栢樹
猛風暴雨曾顛仆淚痕血點每沾胸草堂自說

無佳句勸君從此莫興哀不用窓前更覓栽庭
空聲見天宇濶夜夜好容明月來

新店驛紀事題壁

萬曆己未年事

驅車迢遞經新店郵舍荒涼瓦無片敝冠章帶
驛丞來未訴衷腸淚如霰驛當孔道居楚西風
烟咫尺接蠻溪索夫索馬索廩給無朝無暮無
輪蹄近逢郎官過此地云是司刑爽鳩氏書錦
煌煌急到家後擁前呼開如沸脚力應需二百
名滿村雞犬聞皆驚傳郵凋敝緩時刻忽然震

怒轟雷霆承方到邑支夫價相去程途纔數舍
前導狐能假虎威橫肆暗啞兼叱咤承妻京宰
入中厨甘言懇禱實須臾豪奴視人如視畜馬
箠鞭撻無完膚承妻故是詩書族生來未識遭
凌辱匹婦誰知有烈腸不辭一日經溝瀆郎官
十日不得行群兒屏息還吞聲解將囊橐備棺
斂始悔從前氣太盈吁嗟乎抱關擊析官雖微
難支符檄縱橫飛郵卒乏糧焉得力站馬不秣
那能肥過客應須念民瘼莫聽豪奴恣鞭朴前

車旣覆後車來請聽狂言當良蘇

元夕訪天素麗人觀其作畫復聽彈琵琶
時將遊武林歌以送之

滿城絲管春宵永玉漏沉沉燈送影紫騮嘶入
美人家風擺天桃嬌覆井綺閣微聞薝蔔來茜
裙拂地無纖埃一雙角枕鴛鴦戲十二羅幃翡
翠開晚妝初罷沈吟久彤管半枝拈素手旋展
生絹作畫圖淋漓墨汁濃於酒寫出清溪繞翠
巒蒲堂衣袂欲生寒長康神筆僧繇技誰道合

毫口是檀掃成更抱龍香擦四絃切切尤清越
曲終轉調諸宮商古洞寒猿嘯秋月一聲短一
聲長舟中少婦悲潯陽前手推後手却馬上明
君啼朔漠阿因樂極轉生愁油壁車輕不可留
六橋花影催鳴珮三三鐘聲待幾舟別離漫擬
消魂賦路指西陵松栢樹好夢空尋子夜歡閒
情莫問丁年事花月春江一水遙天涯誰伴可
憐宵玉樓人去垂楊媚日日東風想舞腰

四明李惟遜茂才侍其尊人子述游閩讀

書烏石山歌以贈之

烏山巖巖青挿天奇峰六六合蒼烟巖巖屹磊砢
狀不一先朝名筆留雕鐫華嚴有巖在山半石
壁如屏巨雲漢陽冰古篆妙入神銀鈎鍊畫茲
山冠李生年少鍾慧根故是陽冰幾葉孫侍親
千里到閩海登山蹋破蒼苔痕客中黃卷閒堪
把興來展讀巖之下滿日烟雲入素襟爲戀山
靈不能舍君不見君家供奉才稱雄讀書曾寓
匡山中君今斯地結書屋千秋勝事將無同秋

風讀罷思歸去九萬鵬程任騰翥他年得意此
重過却認題名舊游處

初夏望日洪汝合修社西湖泛舟分得十
九餅

麥秋螻蛄鳴偏早渺渺芳堤密烟草同乘彩鷁
泛湖光前代遺蹤尋別島憶昔閩王全盛時樓
臺縹緲凌蒼蒼天水晶影裏築離宮荷菱香中開
複道千重嘉禾擁繼輿十里清風迎羽葆滄海
桑田世幾更舊日繁華迹如掃激紋惟見水拖

藍黛色已空餘山有栲我輩臨流此賦詩細將往
事閒徵考錦纜牙樯信所之荒岡廢塚皆幽討
野鳥將雛嚙曲林游魚咬浪翻新藻狂來如意
擊珊瑚醉後瓊漿浮瑪瑙痛飲寧誇河朔賢豪
吟不數香山老身上輕衫盡著絺腰間散帶真
聯綰遠眺多傷今古情美才總託東南寶入雲
方響按宮商映水紅妝歌悞惱嬌態應同碧柳
妍修眉却勝青山好得句誰當擅八叉高譚若
個雄三倒把杯問月向青天一輪圓魄松間皓

百年行樂只須臾浮生莫使憂心構

題繆醇之一瓢菴

昔聞箕山隱者曾遊名風瓢掛樹吹有聲又聞
陋巷貧生飢欲死長日一瓢惟飲水憐君隱不
類箕山讀書志在青雲間憐君貧不若陋巷每
有酒錢懸拄杖二賢清風今已遙君胡結菴名
一瓢開窓風翠侵几席獅巖豸嶺高岩堯蒲團
一箇香一炷常有名僧自來去相伴晨昏只一
瓢鐘魚儼是禪棲處吟咏從來有父風時將佳

句貯瓢中穆溪門外清如練一任詩歌流向東
游獅巖呈繆醇之

長溪山水元多奇霍童太姥高嶮巖穆溪有山
窟巖石埋沒歲久無人知峰形突兀何所擬厥
狀瑰異同蹲獅千章灌木蔽蒼昊冥藏木客巢
山巖繆生雅負濟勝具探奇不憚荆榛披瞥見
峭石吐雲霧仰天大呼開雙頤刊山鑿洞出天
巧履危蹈險窮坤維慙慙邀我恣游陟嚴霜殞
葉隆冬時芒鞋踏破白雲影桐帽倒挂青松枝

迴梯詰曲度巖竇古藤老葛相扶持層巒疊嶂
歷不盡陽光在萬歸曉巖名山一旦啟靈秀况
逢我輩來游嬉從茲圖經表勝蹟却笑霍童太
姦空歎謫

游五峰三潭歌潭爲劉薦叔始闢贈之

劉生年少號詩書下帷愛入空王居五峰突兀
出雲表六時功課聞鐘魚忽聽山前泉石響礪
石陰陰啼魑魅奇勝思開混沌初獨自腰鎌劈
蒼莽杳將恠石心神散向石邊寒溜無停聲一行

一步俱足賞半丘半壑皆堪名却恨空山少人
跡約客來游更覓剔狐兔爲巢盡火攻山澤烈
焚師伯益吁嗟哉山川顯晦自有時從今名勝
千秋知劉生劉生君莫嘆人生遇合應如斯

鰲峰集卷之八終